



REPUBLIKA E SHQIPËRISË
AUTORITETI I MBIKËQYRJES FINANCIARE
BORDI

RREGULLORE

MBI

**ELEMENTËT E ZBRITSHËM NË LLOGARITJEN E KAPITALIT TË SHOQËRIVE TË
SIGURIMIT**

Miratuar me Vendimin e Bordit nr. 87, datë 27.06.2016

Neni 1

Objekti

Objekti i kësaj rregulloreje është përcaktimi i aktiveve jo likuide të cilat përbëjnë elementë të zbritshëm në llogaritjen e kapitalit.

Neni 2

Baza ligjore

Kjo rregullore hartohet në bazë dhe për zbatim të nenit 14, pika 2, të Ligjit nr. 9572, datë 03.07.2006 “Për Autoritetin e Mbikëqyrjes Financiare”, i ndryshuar, si dhe nenit 79, pika 3, të Ligjit nr. 52, datë 22.05.2014 “Për veprimtarinë e sigurimit dhe risigurimit”.

Neni 3

Fusha e zbatimit

Dispozitat e kësaj rregulloreje zbatohen nga të gjitha shoqëritë e sigurimit dhe degët e shoqërive të huaja, të licencuara nga Autoriteti i Mbikëqyrjes Financiare për të kryer veprimtari sigurimi ose risigurimi në Republikën e Shqipërisë.

Neni 4
Elemente të tjerë të zbritshëm në llogaritjen e kapitalit

1. Në llogaritjen e kapitalit të shoqërisë së sigurimit, vlera që rezulton nga shuma e kapitalit shtesë zvogëlohet me elementët e mëposhtme:
 - a) Emri i mirë i shoqërisë referuar parashikimit në aneksin 1, të Rregullores nr. 34, datë 28.05.2015 “Për raportimin e detyruar dhe periodik të shoqërive të sigurimit dhe risigurimit”, e ndryshuar;
 - b) Aktive jo materiale referuar parashikimit në aneksin 1, të Rregullores nr. 34, datë 28.05.2015 “Për raportimin e detyruar dhe periodik të shoqërive të sigurimit dhe risigurimit”, e ndryshuar;
 - c) Toka, ndërtesa dhe të drejta në pasuri të paluajtshme në Republikën e Shqipërisë nëse nuk plotësohen njëkohësisht kërkesat e mëposhtme:
 - i) Toka është e regjistruar nga Zyra e Regjistrimit të Pasurive të Paluajtshme në emër të shoqërisë së sigurimit;
 - ii) Çmimi i blerjes është përcaktuar mbi bazën e vlerësimit të ekspertit përkatës;
 - iii) Pasuria nuk është e vendosur si kolateral, apo nuk është vënë peng mbi të, si dhe është e lirë nga çdo barrë tjetër. Ky aktiv do të konsiderohet jo likuid deri në masën/nivelin që toka dhe/apo ndërtesa mund të lejohen të llogariten ndaj/kundrejt kredive që ato mbulojnë (dmth janë kolateral), duke zbritur pjesën e lënë si kolateral për kredi.
 - d) Aktive afatgjata materiale për të cilat shoqëria nuk zotëron dokumentacionin mbi pronësinë;
 - e) Aktive afatgjata materiale që vijnë nga shpenzime për përmirësimin e ambienteve me qira;
 - f) Aktive afatgjata materiale në formën e materialeve publicitare;
 - g) Likuiditete në Banka, në rast se shoqëria ka një linjë kredie të hapur në llogari rrjedhëse (overdraft) apo të ngjashme, në vlerën maksimale të kredisë së hapur në llogari rrjedhëse (overdraft) apo të ngjashme;
 - h) Shpenzime të parapaguara, si dhe shpenzimet e nisjes së aktivitetit;
 - i) Të ardhura të llogaritura nga paditë e regresit nga Fondi i Kompensimit apo të tjera në rast se shoqëria nuk zotëron dokumentacion justifikues të mjaftueshëm për të garantuar arkëtimin e shumës;
 - j) Të gjitha aktivet e lëna si kolateral, të lënë peng apo që nuk janë të lira nga çdo barrë tjetër në të gjithë vlerën e tyre;
 - k) Fondi i Garancisë për Kartonin Jeshil;
 - l) Çdo zë tjetër në kundërshtim me kërkesat ligjore, rregullatore dhe vendime të Bordit të Autoritetit.

Neni 5

Evidentimi dhe raportimi

Kjo pasqyrë, si rregull, raportohet deri më 31 janar të vitit pasardhës për vitin dhe brenda 30 ditëve kalendarike nga fundi i çdo tre mujori, për periudhat e ndërmjetme. Forma, përmbajtja dhe mënyra e plotësimit të raportit mbi mjaftueshmërinë e kapitalit përcaktohen në Formularin 1 të kësaj rregulloreje, në përputhje me kërkesat e nenit 4, pika 1, germa c) të Rregullores nr. 34, datë 28.05.2015 “Për raportimin e detyruar dhe periodik të shoqërive të sigurimit dhe risigurimit”, e ndryshuar.

Neni 6

Masat mbikëqyrëse

Autoriteti i Mbikëqyrjes Financiare, në rast mosplotësimi të detyrimeve të kësaj rregulloreje, zbaton dispozitat e parashikuara në Ligjin nr. 52, datë 22.05.2014 “Për veprimtarinë e sigurimit dhe risigurimit”, si dhe në aktet e tjera nënligjore në zbatim të tij.

Neni 7

Hyrja në fuqi

Kjo rregullore hyn në fuqi 3 muaj nga data e miratimit.

FORMULAR 1: LLOGARITJA E KAPITALIT

Emri i shoqërisë _____

Viti ushtrimor _____

Periudha e raportimit _____

NR.	Emërtimi	Vlera
I	Kapitali bazë, neni 76 i Ligjit 52/14 (I.a+I.b+I.c-II)	
<i>I.a</i>	Kapitali aksionar i shoqërisë së sigurimit, i cili përbëhet nga aksionet e zakonshme të emetuara;	
<i>I.b</i>	Rezervat e kapitalit, të cilat nuk i korrespondojnë detyrimeve që rrjedhin nga kontratat e sigurimit;	
<i>I.c</i>	Fitimi i pashpërndarë, i mbartur pas zbritjes së dividendëve të pagueshëm	
II	Elementet që nuk përfshihen në llogaritjen e kapitalit bazë: (II.a+II.b+II.c+II.ç)	
<i>II.a</i>	Aksionet e veta të riblera	
<i>II.b</i>	Investimet në aktive të patrupëzuara	
<i>II.c</i>	Humbjet e mbartura dhe humbja e vitit ushtrimor	
<i>II.ç</i>	Diferenca midis provigjoneve të dëmeve të skontuara dhe të paskontuara.	
III	Kapitali shtesë, neni 77 i Ligjit 52/14 (III.a+III.b+III.c+III.ç)	
<i>III.a</i>	Kapitali aksionar i cili përbëhet nga aksionet me përparësi të akumuluar;	
<i>III.b</i>	Instrumente të borxhit të varur	
<i>III.c</i>	Rezerva kapitali që lidhen me aksionet me përparësi të akumuluar	
<i>III.ç</i>	Elemente të tjera	
IV	Elementet e zbritshme në llogaritjen e kapitalit, neni 79 i Ligjit 52/14 (IV.a+IV.b+IV.c+V)	
<i>IV.a</i>	Pjesëmarrje dhe instrumente të borxhit të varur në një tjetër shoqëri sigurimi, risigurimi, grupi kontrollues sigurimi, banka dhe/ose degë të bankave të huaja, shoqëri komisionere, shoqëri administruese dhe institucione të tjera financiare, në të cilat shoqëria e sigurimit zotëron pjesëmarrje influencuese mbi 10 për qind	
<i>IV.b</i>	Investime të tjera në personat e parashikuar në shkronjën “a”, të kësaj pike, që janë përfshirë në llogaritjen e kapitalit të personave përkatës;	
<i>IV.c</i>	Pjesëmarrjet dhe titujt e borxhit të varur, si dhe investime të tjera në një shoqëri tjetër sigurimi ose ente financiare, të tjera nga ato të parashikuara në shkronjën “a”, të kësaj pike, të cilat kalojnë masën 10 për qind të kapitalit të shoqërisë së sigurimit, e llogaritur përpara zbritjes së elementeve të përmendura në shkronjat “a” dhe “b” të kësaj pike;	
V	Aktivët jolikuide (V.a deri V.6)	
<i>V.a</i>	Aksionet e palituara në tregje të rregulluara	
<i>V.b</i>	Huatë/llogaritë e arkëtueshme me palë të lidhura	
<i>V.c</i>	Huatë nga brokerat dhe agjentët	
<i>V.ç</i>	Primet e arkëtueshme ose debitorë nga risigurimi, që kanë tejkaluar afatin 90-ditor;	
<i>V.d</i>	Debitorë të tjerë ose llogari të tjera të arkëtueshme, të cilat nuk rrjedhin drejtpërsëdrejti nga veprimtaria e sigurimit;	
<i>V.dh</i>	Inventari	
<i>V.e</i>	Shpenzimet e shtyra të marrjes në sigurim	
<i>V.ë</i>	Shpenzimet e parapaguara	
<i>V.f</i>	Aktivët e tjera, të cilat nuk janë të lira nga çdo përgjegjësi apo detyrim i parashikuar	
<i>V.g</i>	Aktivët e tjera, të cilat nuk janë lehtësisht të kthyeshme në para në momentin kur është e nevojshme përmbushja e detyrimeve financiare kur u vjen afati	
<i>V.g</i>	Elementë të tjerë të zbritshëm sipas nenit 4 të kësaj rregullore	
VI	KAPITALI (Aftësia Paguese)	
VII	Kufiri minimal i aftësisë paguese, sipas pikës 3 të nenit 80 të Ligjit nr. 52/2014	
VIII	Fondi i garancisë, sipas nenit 81 të Ligjit nr. 52/2014	
IX	Niveli i kërkuar i aftësisë paguese, sipas pikës 2 të nenit 80 të Ligjit nr. 52/2014	
X	Mbi (+) / nën (-) nivelin e kërkuar të Aftësisë paguese (VI-IX)	
XI	Mjaftueshmëria e Kapitalit	I mjaftueshëm/I pamjaftueshëm